

CYNGOR SIR CEREDIGION COUNTY COUNCIL

Adroddiad i'r: Pwyllgor Ymddiriedolwyr Elusennau

Dyddiad y cyfarfod: 6 Tachwedd 2023

Teitl: Adroddiadau Blynyddol yr Ymddiriedolwyr 2022-2023

Pwrpas yr adroddiad: Ystyried yr adroddiadau blynyddol yr ymddiriedolwyr drafft ar gyfer 2022-2023

Er: Penderfyniad

Cefndir

1. Adroddiadau Blynyddol yr Ymddiriedolwyr

1.1 O dan adran 162 o Ddeddf Elusennau 2011 mae'n ofynnol i ymddiriedolwyr elusennau sydd wedi eu cofrestru gyda'r Comisiwn Elusennau baratoi adroddiad blynyddol mewn perthynas â'u helusen a hynny ym mhob blwyddyn ariannol.

1.2 Yn hanesyddol nid oedd y Cyngor wedi ymgymryd â'r dasg hon, fodd bynnag, yn unol â phenderfyniad y Pwyllgor hwn yn ei gyfarfod ar 26 Medi 2022, bydd adroddiadau blynyddol yn cael eu paratoi gan swyddogion a'u cyflwyno i'r Pwyllgor Ymddiriedolwyr Elusennau i'w hystyried a'u cymeradwyo'n flynyddol. Paratowyd yr adroddiadau drafft ar gyfer 2022-2023 ar gyfer y 5 elusen gofrestredig (**Atodiad 1 – 5**) fel a ganlyn:

- Neuadd Goffa I, Cei Newydd;
- Llyfrgell ac Ystafell Ddarllen Cei Newydd;
- Sefydliad Addysgol Coffa COE;
- Cronfa Addysg Ganolradd a Thechnegol Sir Aberteifi; ac
- Elusen Richard James Thomas.

1.3 Yn unol â chanllawiau'r Comisiwn Elusennau ar eu gwefan nhw, os yw incwm elusen o dan £500,000 gellir llunio adroddiad syml a dim ond ei gyflwyno i'r Comisiwn os yw incwm yr elusen yn fwy na £25,000. Fodd bynnag, byddai'n rhaid i'r elusen anfon copi i'r Comisiwn pe byddent yn digwydd gofyn amdano.

1.4 Yn achos y pum elusen a nodir uchod, nid oes gan yr un ohonynt incwm sy'n fwy na £25,000 ar gyfer blwyddyn ariannol 2021-2022 felly nid oes angen cyflwyno'r adroddiadau i'r Comisiwn.

1.5 Mae Adran 17(5) Deddf Elusennau 2011 a Rheoliadau Elusennau (Cyfrifon ac Adroddiadau) 2008 yn datgan bod rhaid i ymddiriedolwyr elusennau roi sylw i

ganllawiau'r Comisiwn Elusennau er budd cyhoeddus wrth ymarfer unrhyw bwerau neu ddyletswyddau y byddai'r canllawiau'n berthnasol iddynt a gwneud datganiad i'r perwyl hwn yn yr adroddiad blynyddol. Mae canllawiau'r Comisiwn ar yr adroddiad blynyddol yn nodi, os nad yw'r holl ymddiriedolwyr wedi darllen y canllawiau, yna dylid gwneud datganiad sy'n datgelu'r ffaith hon. Penderfynodd y Pwyllgor ar 26 Medi 2022 "y bydd holl Aelodau Pwyllgor Ymddiriedolwyr Elusennau yn darllen dwy ddogfen o ganllawiau'r Comisiwn Elusennau (PB2 a PB3) a nodir yn Atodiad 6 yr adroddiad hwn. Ceir cadarnhad yng nghyfarfod nesaf y Pwyllgor eu bod wedi darllen y canllawiau." Yn anffodus, nid yw pob Aelod o'r Pwyllgor wedi cadarnhau hyn wrth y swyddogion, felly byddwch yn nodi datganiad i'r perwyl hwn a fewnosodwyd yn yr adroddiadau blynyddol drafft yn yr adroddiad blynyddol yn yr adran '*Crynodeb yn amlinellu'r prif weithgareddau a wnaed er budd y cyhoedd (rhowch yn yr adran hon y datganiad statudol fod yr ymddiriedolwyr yn rhoi sylw i ganllawiau'r Comisiwn Elusennau ar fudd cyhoeddus)*'.

1.6 Yn unol â'r datganiad yn yr adroddiadau blynyddol drafft, mae canllawiau budd cyhoeddus y Comisiwn - PB2 a PB3 - ynghlwm ar ffurf Atodiad 6 i holl Aelodau'r Pwyllgor eu darllen. Unwaith y bydd pob Aelod wedi'u darllen, bydd yr ymddiriedolwyr yn gallu datgan yn adroddiadau blynyddol y flwyddyn nesaf fod y canllawiau wedi'u darllen.

Argymhellion:

Bod y Pwyllgor yn:

- 1. CYMERADWYO'r 5 adroddiad blynyddol yr ymddiriedolwyr drafft a nodir yn Atodiadau 1-5 yr adroddiad hwn ac y bydd Cadeirydd y Pwyllgor Ymddiriedolwyr Elusennau yn llofnodi a dyddio copïau glân o'r un fath ar ran ymddiriedolwr yr elusen; a**
- 2. PHENDERFYNWYD y bydd holl Aelodau'r Pwyllgor Ymddiriedolwyr Elusennau yn darllen dwy ddogfen ganllawiau'r Comisiwn Elusennau (PB2 a PB3) a nodir yn Atodiad 6 yr adroddiad hwn ac yn cadarnhau yng nghyfarfod nesaf y Pwyllgor eu bod wedi darllen y canllawiau.**

Rhesymau dros y Penderfyniad:

Sicrhau cydymffurfiaeth â gofynion Deddf Elusennau 2011.

Atodiadau:

Atodiad 1 – Adroddiad Blynyddol yr Ymddiriedolwyr: Neuadd Goffa 2022-2023

Atodiad 2 - Adroddiad Blynyddol yr Ymddiriedolwyr: Llyfrgell ac Ystafell Ddarllen Cei Newydd 2022-2023

Atodiad 3 - Adroddiad Blynyddol yr Ymddiriedolwyr: Sefydliad Addysgol Coffa COE 2022-2023

Atodiad 4 - Adroddiad Blynyddol yr Ymddiriedolwyr: Cronfa Addysg Ganolradd a Thechnegol Sir Aberteifi 2022-2023

Atodiad 5 - Adroddiad Blynyddol yr Ymddiriedolwyr: Elusen Richard James Thomas 2022-2023

Atodiad 6 - Canllawiau'r Comisiwn Elusennau PB2 a PB3

Pennaeth y Gwasanaeth: Elin Prysor, Swyddog Arweiniol Corfforaethol- Cyfreithiol a Llywodraethu

Swyddog Adrodd: Louise Harries, Uwch Gyfreithiwr – Gwaith Annadleuol (Eiddo)

Dyddiad: 11 Hydref 2023